





(haumikhia) Mittimatalik Nunalingni Aulattittinirnut Andrew Arreak qaujihajijut hiku kigligutaat uvani Eclipse Kangiqhua ukuningat SmartICE ingilrutingit tarjuq-hiku ivjuningit mihingnaq- una SmartQAMUTIK: SmartICE (taliqpia) SIKU qunnialiuqtut takunnaqtuq SmartICE hiku ivjujuq nalunajainiq kititihimajut ukunanngat SmartQAMUTIK uvani Iqaluit Ubluqtuhinia 2020 [piksaliuqhimaaja ilitarijaujukhaq, SmartICE].

## Nunalingni munaqhainirnut

Ikajuqtaujuq ukunanngat Ukiuqtaqtuq Qaujimajangit Kanata (POLAR), SmartICE havaqatigivagaat parnautigivluniuk ukunanngat SmartICE Nunalingni Munaqhainirnut Katimajit Mittimatalingmi kangiqhigianganani nunamijut hiku nalunaitkutaq pijumajainit aulapkaivlutik qaujiharniq ikajuutikhangillu kiugianganani tahapkuat pijumajainit ikaarninut-ilanganani tarjuq hiku atuqtunut, uvanngat inulrammiit anguniaqtit inirninullu katimajijut. Inmikkut tukiliutiqaqtuq *Sikumiut*, tukiaqatut “inuit hikunut”.

*Sikumiut* munarijaujut nunamiuqatigiiktut SmartICE aulattittinirnut kihimi aulapkaihimajut nutaamik tarjuq-hiku havaarijakhainit nunalingnit. Haffuminngatut, nipiliuqhimaajaat *Inut Qaujimajatuqangit* (IQ) hivuuranaittumik hiku aullaqhutik iliharianganani inulrammiinut nunalingni (takulugu Nalunaitkutaq Qijuqtik).

## Nunalingni hiku nunaujaliqiniq

SmartICE tukiliuqatigiikhtut piliriakhaq iliharianganani nunamiuqatigiit aulattittijut taimaa ajurnaittumik ingilragianganani hikukkut nunalingit ilagijaujut Inuit qaujimajatuqangit tautukhimajangillu ukunanngat qulaanngat piksaliuqtut. Piliriakhaq angiklijuummihuni ilitquhirnut haffumani POLAR’p ikajuutikhangit Mittimatalingni aulattittinirnut inuudjuhianut inmikkut-pijumalluqaqtangit. Una hivulliujuq havaarijangit taimaa tarjuq-hiku nunajaunnguat aktilaangillu ikaarningillu uktuutigijangit uvunga hiku aullaqatunut nunalingnut.

Una havaarijaujut hivitujuq, ihumaliuqhutik arlingnaqtuq kangiqhinnanngittunilu hiku qanurilinganingit taimaa hila aallannguqpallialirnat. Aulattittijut taimaa nunaujaliuqhutik tamainnut qaujiharniq unalu tarjuq-hiku qaujimanagit, taamna Inuit ukpiqtangit. Tarjuq-Hiku qaujimajangit atuqtauvaktut tamainnut Inuit pitquhirnut. Taimaattaq, inirniit ukpiqtangit nunaujait ilagijaujut nunalingnit ihuaqpiqtumik.



## Qulvahiktumi Auladjutikhanuq Katimavik

SmartICE ilihautivagaat Inuit qunnialiuqhikhanut, aulattittijut unalu qaujiaqtit haffumani qaujiharnirnu. Uvani 2019 mi, SmartICE turaaqhimajangit Qulvahiktumi Qunnaliurvikhaq uvani Nain, Nunatsiavut, taimaa Inuit inulrammiit ilihautijut qanuq kititirahuarianganani hapkuat SmartBUOY havaktugianganani nunaliit tamainnut Inuit Nunangat. Ilihaqtiujut ihumaliuqhutik tamatkiumajangit nunaliit unalu inungmiuniujut pitquhirnigullu hivuuranaittuq.